

آنادولو مجموعه سی

هندو کجارت

اصل حقیقت	محمد خالد
جون دووهی	ضیاء الدین فخری
آنادولو اقلیمی	ابراهیم هقی
ضیا کوك آلپ	احمد خلیل
آنته مه	اسماعیل نامی
یادک	شرف
شتریندبرغ	حسن جمیل
آنادولونک فتحی	مکرمین خلیل
دام لوغلایان کلینه	محمود مظفر

آیاک ایزری : رشته توران جمعیتی - کیم ایچون ،
نه ایچون ؟ - آیدینلقدده برظلمت .

محمد طبعی

اینگان مجاده نینده ریمیندا اقلیمی نجاتده

مجموعه افیمیا

آنادولو اقلیمی [*]

— مابعد —

موضعی روز کارلر نامنه برده ساحل روز کارلری واردر . بوروز کارلر همان صیجاق ایچ دکنز لرك بوتون کورفرلرنده دوری اوله رق آسئرلر . کوندوز قاره لر دکنز لردن زیاده ایصند یغندن و کیچه چارچاق صوغود یغندن کوندوز دکنزک معتدل هوا سیله قاره لرك صیجاق هوا یی آراسنده بر مبادله وقوعه کلیر . دکنز دن قاره لره دوغری روز کارلر آسر . بونلره دکنز روز کارلری نامنی ویریرلر . دوری روز کاری کیچه و کوندوزک حولی کی بران نظام و قطعیتله بکله نیر . روز کار (ایمبات = Invatos) وسطی اوله رق ساعت اون اولده باشلار . اوکلهدن صوکره بر فورطنه شدنی اکتساب ایدر (ثانیه ده ۱۲ متره) بالاخره سخونتک تناقصی ایله یاواش یاواش شدنی آزالیر . کیچه کسلیلر . دکنز روز کاری کونک قسم کلیسنده جنوب غربیدن آسر . مذکور روز کارک ازمیر اقلیمی اوزرینه اولان تأثیرینی آکلامق ایچون بوشهر ایله ۱۲ کیلومتره جنوبده کاش و شمال جنوب استفاده مند امتداد ایدن بروادی ایچنده دکنز روز کارینه قارشی بر سسد تشکیل ایله یی طاغ لرك آرقه سنده بولونان سیدی کونک شرائط اقلیمیه سنی مقایسه ایتک کافیدر .

ساعت ۷ اول	۲ صوکره	۹ صوکره	وسطی
سخونت	رطوبت	سخونت	رطوبت
۲۴٫۰	۵۰٪	۲۶٫۰	۳۴٫۰
۲۶٫۰	۵۰٪	۲۷٫۰	۳۶٫۰
۲۷٫۰	۵۰٪	۲۸٫۰	۳۷٫۰
۲۸٫۰	۵۰٪	۲۹٫۰	۳۸٫۰
۲۹٫۰	۵۰٪	۳۰٫۰	۳۹٫۰
۳۰٫۰	۵۰٪	۳۱٫۰	۴۰٫۰
۳۱٫۰	۵۰٪	۳۲٫۰	۴۱٫۰
۳۲٫۰	۵۰٪	۳۳٫۰	۴۲٫۰
۳۳٫۰	۵۰٪	۳۴٫۰	۴۳٫۰
۳۴٫۰	۵۰٪	۳۵٫۰	۴۴٫۰
۳۵٫۰	۵۰٪	۳۶٫۰	۴۵٫۰
۳۶٫۰	۵۰٪	۳۷٫۰	۴۶٫۰
۳۷٫۰	۵۰٪	۳۸٫۰	۴۷٫۰
۳۸٫۰	۵۰٪	۳۹٫۰	۴۸٫۰
۳۹٫۰	۵۰٪	۴۰٫۰	۴۹٫۰
۴۰٫۰	۵۰٪	۴۱٫۰	۵۰٪

جدولدن پک اینی آکلاشیله جنی وجه اوزره سیدی کونک اقلیمی بری براقلیمدر . رطوبت ۲۶٪ یه قدر دوشدییکی و سخونتک یومی تحولی پک شدید اولدینی حالده ازمیرک سخونت تحولی معتدل ، رطوبتی نسبتاً یوکسک بواعتبارله اقلیمی بخیردر .

بوتون سواحل منطقه سنک هوا یی دکنزک تیز و صحنی هوا سیله تجدید ایدلیدیکی کبی اوکله وقتنک جهنم کی صیجاقلی یه بونسیله سیرین هوا ایله تعدیل ایدیلش بولونور . غربی آنادولوده شرق غرب استفاده مند امتداد ایدن انهدام اووالری (بووک ، کوچوک مندره سلر ، کدیز و سائر وادیلری) برر اوزامش مجرا (couloir) تشکیل ایتدکلرندن دکنزک رابط تأثیرینی ایچ آنادولویه قدر کونورورلر . بالکنز یومی دکنز روز کارلرینک تأثیرلری ۲۰ الی ۴۰ کیلومتره داخله قدر کیرر .

بحر سیفید اقلیمینک اک بارز وصف فارقی و لمق اوزره ترسباتک مواسم اوزرینه غیر منظم بر صورتده توزیع ایدلمش اولدییی سوبله مشدک بو خصوصده برپارچه تفصیلاته کیرمک فائده دن حالی دکلدر .

[*] ماقبلی آنادولو مجموعه سنک ۳ ، ۴ ، ۵ ، ۶ ، ۷ نومرولی نسخه لرنددر .

بحر سفید منطقه سنده یازک قوراق موسمی جنوبی شمال طوغری تبدیل موقع ایدلیدی تقدیرده تناقص ایدر و بوتناقص عینی زمانده شمال روز کارلرینک اسدیکی مدنک آزماسیله ده وقوعه کایر . مثلاً قاهره و یاسویش هان یاغورسز بر منطقه یه عائد اولدینی حالده اسکندریه ده بر یاز قوراق موسمی اولدینی کی بر قیش یاغور موسمی ده واردر . ۲۰ میلیمتره ارتفاعنده یاغور دن ده آاز ترسباتی بولونان آیه یابس آی تسمیه ایدم چک اولور سق بو آیلر اسکندریه ده سنه ده یدی آیه (مایس - تشرین اول) ، ازمیرده درت آیه (مایس آی اور تاسندن ایلول اورته سنه قدر) ، صرصره حوضه سنده تموز و آغستوس آیلرینه انحصار ایدر . قاره دکز سواحلنده ایسه هان یاغورسز آی یوق کیدر . بحر سفید حوضه سنده شرق دن غرب طوغری ده قوراق موسم آزالیر : طرابلس غربده یابس موسم ۶ - ۷ آی (نیسان - تشرین اول) ؛ مالطه ده ۴ - ۵ آی ، سجیلیاده ۳ - ۴ (مایس - آغستوس) ؛ اسپانیانک جنوب شرقی سنده و الانسیایه قدر ۳ آی (حیران - آغستوس) ؛ فرانسه نك بحر سفید سواحلنده دلیکوریاده یابس آی یالکز تموز آیدر .

بوتقدیرده بحر سفید منطقه اقلیمی یاغور لر زهریمی نقطه نظر دن اوچ منطقه یه آیره بیلیرز :
۱ یازی همان یاغورسز کی منطقه : (یاز موسمنک اوچ آینک ترسبات مجموعی ۵۰ میلیمتره دن ده آاز) باشلیجه یاغور موسمی قیش بدایتیدر . بومنطقه جنوبیه چولر حدودندن باشلایه رق اسپانیانک اورته سنه ، ساردنیایه ، جنوبی ایتالیا ، یونانستانک و آنادولونک متوسط قسملرینه قدر امتداد ایدر . موضوع بحث اولان آنادولونک آطه لر دکر ی و شرق دکز سواحل بومنطقه یه داخلدر .

۲ یاز موسمی آز یاغور لی منطقه : (۵۰ - ۱۰۰ میلیمتره) باشلیجه یاغور موسملری ایلک بهار ایله صوک بهاردر . بومنطقه شمالی اسپانیای (شمال قیلرندن ماعدا) فرانسه نك بحر سفید سواحلنی ، قسماً روبیه را (Riviera) یی اورته ایتالیا نك غرب سواحلنی آرناوودانی ، شمالی یونانستانی ، آطه لر دکر نك شمال قیلرینی ، شمالی آنادولوی ، قریم یاریم آطه سنک جنوب سواحلنی احتوا ایدر . قره دکزک انتقال اقلیم منطقه سی بوساحه ده در .

۳ بحر سفیدک شمالی انتقال منطقه سی : یاغور لر هر موسمه یاغار . فقط یاز موسمنده بارز بر اصغری مقدار واردر ؛ اعظمیلر ایلک بهار و صوک بهار موسملرینه اصابت ایدر . بومنطقه یه اسپانیانک شمال سواحلنی ، یوقاری ایتالیا ، اورته ایتالیا نك داخلی ، ایستیریا دالماسیا ، بالقان یاریم آطه سنک بوتون داخلی و شرقی ، شرقی آنادولو قاره دکز ساحلی .

مملکتیمز اقلیمنک اناختارینی تشکیل ایدن علی العموم بحر سفید اقلیمی حقنده اوزون براستطرا ددن سوکره بزى علاقه دار ایدن اصل غربی و جنوبی آنادولو اقلیمی ناحیه سنه کچلم .

۳ غربی و جنوبی آنادولو بحر سفید اقلیمی ناحیه سی : آنادولونک آطه لر دکر ی ایله شرقی آق دکز سواحلنی منطقه سی اصل بحر سفید اقلیمه حقیقی برانوخ تشکیل ایدر . مملکتیمزک بونقطه اقلیمین ده ایکی ناحیه یه آیره بیلیرز :

۱ آطه لر دکر ی اقلیمی ناحیه سی ؛

۲ شرقی آق دکز اقلیمی ناحیه سی .

آطر دکر ی اقلیمی ناحیه سی . — بونا حیه ده یک صحاق و قوراق برناز ایله هوایی ایلک

اولان بول یاغمورلی برقیش حکمفرمادر. فقط شماله ، ساروس کورفرینه ، مرچ منصلبرینه طوغری تبدیل موقع ایدیلنجه تدریجاً بری اقلیم شرائطی تأسیس ایتمهک باشلار .
 آطه‌لر دکزنده یازموسمنده سخونت علی‌العموم پک یوکسکدر . یاغمورلر دوشدیکي اندردر .
 بوتون منطقه صیجاقلقدن قورور ، قاورولور . شمال‌روز کارینه معروض بولونمایان طاشلق‌وادیلرده حرارت تحملفرسادر . منطقه‌نک سخونتی یوقاریده ذکر ایدیلدیکي وجه اوزره همان بوتون صیجاقل موسم مدتیجه أسه‌ن شمال‌روز کاری تعدیل ایدر . سیسلی هوایه صیق تصادف ایدیلیر و مرثیت (visibilité) صوغوق موسمدن چوق‌آشاغیدر . دوری دکزن‌روز کارلری هلق بوتون سواحلده موجوددر .

قیش موسمنده سخونت اوقدر دوشمن . یالکز داخلده یوکسک محللر بوندن مستثنادر . بعضاً ۳۸ عرض درجه‌سنه یعنی تقریباً آیانلوق عرضنه قدر خفیف طوکلر وقوعه کلیر .
 قیش منطقه‌نک یاغمور موسمنه تقابل ایدر . تشرین‌اولدن شباطه قدر کثرتی یاغمورلر دوشر . یاغمور اعظمیسی کانون‌اول و کانون‌ثانی آیلرینه اصابت ایدر . یاغمورلر قیش آیلرنده اصغری تضییق (سیقلون) ساحه‌لرینک صیق‌صیق غربدن شرقه طوغری آطه‌لر دکزی اوزرندن مرورلری ائسانسده حصوله کلیر . ایلاک بهار یاقلاشنجه عینی سیقلون ساحه‌لری ده‌ها شمالی بر طریق تعقیب ایتدکلرندن آنادولونک آطه‌لر دکزی قیلرنده یاغمور آزالیر وتدریجاً یاز موسمی اصغریسته طوغری کیدر .

قارک دکز سویه‌سنده بولونان نواحی به همان‌سنه‌لرجه دوشمه‌دیکي واقعدر . یازموسمی شرائط اقلیمیسی قیش موسمنه ترک موقع ایدنجه یاز موسمنده شرقی آق دکزدن نادراً کچن سیقلونی تخفاضات (dépressions cycloniques) باواش ، باواش شرقی بحر سفیدی استیلا ایتمهک باشلار و بوتون قیش موسمی مدتیجه صیق‌صیق کلن بورالر و شدتلی یاغمور صاغناقلرینه و غیره مستقر هوایه سبیت ویرر . بوسیقلونلرک مروری اکثریا غربدن شرقه طوغری وقوعه کلیر . فقط علی‌العموم تعقیب ایتدکلری طریق‌منحنی و غیره منتظم بویولدر . یونانستان و آطه‌لر دکزنی تأثیری آئنده بولوندیران سیقلونلر بونلر اوزرندن یا ده‌ها جنوبدن و یا ده‌ها شمالدن بالفان نواحیسندن کچر . برنجی تقدیرده تضییق دوشمهک باشلاخنجه سیقلونلرک شمال غربیدن شرقه طوغری مروری ائسانسده غایت شدید جنوب‌روز کاری اسمکه دوام ایدر . بوندن ده‌ها شدید بر جنوب‌روز کاری ، آطه‌لر دکزینک شمالندن برسیقلونلرک و یامتعدد سیقلونلرک مرورلری ائسانسده وقوعه کلیر . بوشدید روز کار اوچ ، حتی درت کون دوام ایده‌بیلیر . یونانستانک جنوبندن و کرید آطه‌سی اوزرندن کچن سیقلون شمالی و شمال شرقی (پویراز) روز کارینی تولید ایدر . بالفانلر اوزرنده تضییق پک یوکسک ایسه بعضاً مذکور روز کار تام معناسیله برشدید بورا ماهیتنده بولونور .

آطه‌لر دکزی حوضه‌سییله مرمره دکزی حوضه‌سنک خط تقسیم میاهی یعنی قاز طاغی ، موصلوق طاغی ، ماداراس طاغی ، اوزونجه یایلا ، ده‌میرچی و سیاو طاغلری خط بالاسی‌قاره‌دکز اقلیمی الله بحر سفید اقلیمی آراسنده بر حدود تشکیل ایدر . بوخطک جنوبنده تمامیه بحر سفید اقلیمی حکمفرمادر . بوراسی ماکیلر (maquis) مملکتیدر . زیتون آغاجلری و اوزوم باغلری بالخاصه کوچوک مندرس وادیسو بوینجه وقاره طاش یارم آطه‌سنده دیگر مزروعاته یر برافاز . خط بالانک شمالنده قاره دکز اقلیمی حاکمدر و شرقه طوغری کیدلدیکه بواقایم وصف فارقتی ده‌ها زیاده کوستریر . بوراده قیشلر سرین ، یازلر پک صیجاقل اولمه‌مقله برابر صیقینتیلی فیرطنه‌لر

(orange) اکسیک دکلدز . ترسبات نسیمیه سنه نك كان هر موسمی اوزرینه منظمأ توزیع ایدلمش بولونور .

غربی آنادولو اقلیمی اوزرینه جوار اقلیم منطقه لرینك ده بویوك برتاثری واردر . مثلامنطقه نك صحره جهتنده بولونان شمالی قسملرینه صوك بهارده ایلک بهاردن زیاده یاغموردوشر . بالعكس جنوبده میلاس ، موغله جهتلرنده ایلک بهار صوك بهاردن ده یاغمورلودر . حالبوكه ایچ آنادولویه طوغرو کیدلیدیکی تقدیرده یاغمور موسمی آنجق ایلک بهاره انحصار ایدر . آنادولو یاریم آطه سنك شمال و جنوب قییلرندن داخله طوغری تبدیل موقع ایدلیدیکی تقدیرده چارچاقوق ترسبات آزالدینی حالده آكلر دكزی قییلرندن ایچ آنادولویه طوغری کیدلیدیکی تقدیرده یاغمور مقداری اودرجه سرعتله تحول ایتز . چونكه یوقاریده ذکرایدلیدیکی وجه اوزره اشكال اراضی دكز روزكارلرینه برسد وجوده کثیره جکی یرده طولانی انهدام اووالری برر هوا مجراسی تشکیل ایدر دكزك تاثیرنی آنادولواچریلرینه قدر نفل ایدر ، اوحالده كه ساحلدن یوز کیلومتره داخله کیریلنجه ترسبات ۵۰۰ میلتره دن دهآشانی دوشر . بوصورتله قره سی ، صاروخان ومنشا حوالیسنك برراطب غربی نصف اولدینی کبی برده یابس شرقی نصف واردر .

منطقه ده اوزون مدت رصدات جویه سی اجرا ایدیلن یالکز ازمیر شهری واردر :

(ارتفاع ۹۰ متره ، رصد مدتی ۴۳ سنه) : اعظمی سخوت ۴۳٫۶ درجه ، بومدت طرفنده معلوم نسیمی اولان اصغری سخوت ۸ — درجه ؛ یوی سخوت تحولی ۱۲ درجه ، آیلق سخوت تحولی وسطی ۲۱ درجه ، کانون ثانی وشباط آیلری الك صوغوق آیلدردر . ایکی آی طرفنده وسطی آیلق اعظمی و اصغریلری — ۹٫۸ درجه ایله ۱۹٫۷ درجه در . صیجای آیلر تموز و آغستوسده تقابل ایدر . وسطی آیلق اعظمی و اصغریلری ۱۷٫۴ درجه ایله ۳۷٫۰ درجه در . سنه ده ۱۳٫۷ کون طوك و ۱۷٫۷ کون صیب (Orange) قیدایدیلشدر . وسطی رطوبت یوزده ۶۳ ؛ قیش یوزده ۷۲ ، یاز یوزده ده ؛ قار عارضی اولدوق دوشر . وطوپراقده اوزون مدت قالماز . منطقه نك دیگر محللرنده آنجق ایکی سنه لك ترسبات رصدلری یاپیلش میلتره یاغمور ارتفاعی اولوق اوزره آتیده کی نتایج الده ایدلمشدر :

کانون	شباط	مارت	نيسان	مايس	حزيران	تموز	آغستوس	ایاول	اول	ثانی	تشرین	تشرین کانون
۷۹	۳۷	۳۷	۱۷	۴۲	۲	۶	—	۳۰	۷۵	۱۷۵	—	ازمیر جوارنده بش شمدوقر استاسیونک یاغمور وسطیسی
۲۷	۳۰	۶۸	۳۶	۴۰	۳	۹	—	۶	۹۷	۷۰	—	ازمیرک شرفنده آلی استاسیون (آلا شهردن عشاقه قدر)
۱۳	۲۶	۸۷	۳۴	۴۷	۱۲	۱۱	—	۳	۸۱	۴۹	—	ازمیرک شرفنده یدی استاسیون (عشاقدن آقپونه قدر)
۲۴	۱۹	۸۸	۴۲	۴۶	۱۳	۱۰	۲۲	—	۱۰۲	۶۵	—	ازمیرک جنوب شرفیسنده یدی استاسیون (دکیزلیدن دیناره)
۷۱	۶۷	۸۲	۲۹	۲۲	۱۰	—	۱۱	۱۲	۳۱	۷۵	۹۵	ازمیر

غربی آنادولو بحر سفیر اقلیمی نامیه سی . — بوناحیه نك اقلیمی منطقه نك وضعیت جوغرا-

فیه سی طولایسیله آنادولونك دیگر اقسامندن زیاده سوریه و مصر کی صیجاق مملکتلر اقلیمی آکدیرر . شمال جهتدن یوکسک طوروس طاغلرله ایچ آنادولودن آیریلش اولدیقندن دكزک راطب تاثری پك طار بر ساحیه انحصار ایتش بولونور . یالکز انطالیه کورفزینك شرق و غرب قییلرندن اسباباراً غربی طوروسلر (سینر طائی) و سلطان طائی تحتانی طاغ ، برکت طائی کبی

مرتفع جبالك وجوده كنيردكاری عظیم دهلیز واسطه سیله دكز جنوب روز كارلری كولار (بكشهر كولی ، اكردیر كولی ، بوردور كولی الخ) منطقه سنه قدر كیرهك جنوبی آنادولونك بو قسمه ایچریله قدر راطب براقلیم بخش ایدر ، اوحالده كه قاره دكز اقلیمی ایله بحرسفید اقلیمی كوللری آفیون واسكیشهر منطقه لری واسطه سیله اورته آنادولویه مخصوص بوز قبر اقلیمه هان كچمه دن بربرینه تداخل ایلر . (داخلده ترسبات مقداری ۳۵۰ میلیمتره) اصل طوروسلرك تراچه واری جنوب سطح مائللری اوزرینه تشرین اولدن شباطه قدر قیش موسمنده آسه ن جنوب روز كارلری واسطه سیله کافی درجه ده یاغمور دوشمش بولونور .

بواقلم ناحیه سنك اك صیجاق قسمی اوچ جهتدن یوكسك طاغلر چنبريله محصور ویالكنز برجه تندن جنوب روز كارینه ویاقیچی جنوب كوشنه معروض بولونان آتیه منهدم چوقور اوواسیدر . یاز كونه كده سكونت ۴۵ درجه ی بولیدنی اندر دكلدر . بوراطب صیجاقلق کیچه وقتی ده كسب اعتدال ایندیكندن صوك درجه تحمل فرسادر ورخاوت ویرنجی برتائیری واردر . دكز سویه سنه یاقین قبرلرده یاز و صوك بهار موسمنده حاكم اولان جنوب روز کاری یاغمور كیشمر . صوك درجه مزعج اولان راطب صیجاق هوا باطافلری قوروتقمده ومیلارلرجه سیوری سینك و سینكك انشارینه سببیت ویرمكده وانواع مرزغی ومهلك حمالر تولید ایتكده در .

آتیه اوواسنده قیشلرینه شمال روز كارینه قارشى محفوظ بولونمسی طولایسیله پك معتدلدر . كانون ثانی آتی وسطیسی تقریباً ۱۴ درجه در . مذکور صوغوق روزكار اسدیكى وقت سنه ده برایكى دفعه طوبراق خفیف وجارچابوق اورته دن قالفان بر قار طبقه سیله اورتولور . دهها شباط اورته لرنده ایللك بهار چیچكاری نشوونما بولمه باشلار .

کانون ثانی شباط مارت نیسان مایس حزران تموز آغستوس ایلول اول ثانی اول تشرین کانون

۱۰ ۱۲،۶ ۱۴،۶ ۱۹،۳ ۲۳،۳ ۲۶،۵ ۲۸،۸ ۲۷،۹ ۲۶،۵ ۲۱،۸ ۲۶،۵ ۱۵،۰ ۱۲،۴

سخنوت

آلته (ترسبات میلیمتره) ۹۹ ۸۱ ۷۴ ۴۱ ۵۷ ۱۳ ۷ ۴ ۱۴ ۳۷ ۷۹ ۱۰۴

اك صیجاق آيك (تموز) وسطی سخنوتی ۲۸،۸ ، اك صوغوق آيك (كانون ثانی) ۱۰ درجه در .
 آتیه اعظمی مطلق ۴۵ درجه ؛ اصغرئ مطلق — ۰،۸ . وسطی سنوی ۱۹،۹ درجه . سخنوت تفاضلی ۱۸،۸ درجه .
 رطوبت نسبییه یوزده ۶۰ ، سنوی ترسبات ۶۱۰ میلیمتره . ۰،۳ میلیمتره دن فضله یاغمور دوشن كونهك عددی تقریباً ۵۲ . یاغمور موسی تشرین ثانی دن نیسانه قدر . یاغمور اعظمیسی كانون اول و كانون ثانی آبلیدر .

آنادولو اقلیمی بوراده ختامه ایریور . بوتون تورکیه اقلیمنی اتمام ایچون پاشایی (تراکیا) نك اقلیمی حقه نه علاوه ایدیهك چوق برشی یوقدر . اورویا تورکیه سی بو نقطه نظر دن آنادولونك كوچوك برانودجیدر . هراوچ نوع اقلیمی احتوا ایتكده در . استرانجه نك قاره دكزه متوجه سطح مائللری قاره دكز اقلیمنی ، مرمره و آتیه لردكزی سواحلی بحرسفید انتقال اقلیمی ناحیه سنی و داخل قسمی ده آنادولو اورته یایلا بری اقلیمی اوصافی حائزدر .

صرك

دارائتون موضعی وطبیعی جوغرافیا معامی

ابراهیم همتی